

欽定剿平粵匪方略

欽定勦平粵匪方略卷三百九十八

甲子年

十一月十四日

辛亥

官文奏言逆匪竄擾雲孝後

因前路扼截之兵未至晝夜奔突沿途放火擄掠十月十九日常星阿姜玉順等陸續進紮見該逆由孝感縣西北之趙寺埠鄭家棧正西之東嶽廟西南之王家橋列隊來拒常星阿等分道進勦斃賊多名追殺五六里至八神廟西雙

廟地方將山岡沿西一帶賊館悉數踏毀各路  
共斃賊百餘名生擒三十餘名二十日常星阿  
等復率所部進抵江家集該逆伺我軍築壘未  
就分路來撲姜玉順嚴陣以待及賊衝近槍礮  
環施斃馬賊二十餘名賊鋒頓挫我軍乘勝追  
殺又擒斬四十餘名追至板橋地方收隊回營  
築壘二十一日常星阿藍斯明姜玉順復分三

路進勦擊其不備將大屋地五行廟曾家大灣  
各處賊壘賊卡踏毀淨盡斃賊二百餘名救出  
難民五六百人賊向董家店一路竄去又李成  
謀於二十一日進攻雲夢縣屬之金龍寺賊壘  
該逆於十里鋪漏鑪口等處列隊抗拒李成謀  
先撥二營扼紮黃江口要隘並令馬隊親兵會  
同該署知縣黃應瑞等帶領兵團布列城南自

率三營直搗漏鑪口小有斬擒該逆向京山之  
宋河潰走我軍追殺斃賊數十名生擒三十餘  
名是夜賊竄金龍寺胡金店白河口一帶二十  
二日李成謀率隊由漏鑪口白河口進勦以兩  
營沿河布列兩營由漏鑪口旁擊自率親兵獨  
扼白河口該逆直前衝撲先經中後兩營從旁  
奮擊左右兩營繼至併力環攻斃賊百餘名解

散約以千計當將白河迎水寺胡金店一帶賊  
卡賊館悉數踏平敗逆向應城之楊家河及宋  
河分竄其竄楊家河者經駐紮應城之梁洪勝  
壘次擊敗斬馘頗多亦向宋河奔竄雲夢孝感  
俱無賊蹤查上竄髮逆鋌而走險因前此常星  
阿等未能繞出賊前迎頭痛勦以致該逆乘虛  
徑向京山安陸奔竄此時襄樊一帶最關緊要

臣已咨提臣江長貴會同道府妥爲布置特恐該逆繞過襄樊轉窺光化則老河口適當其衝該處爲繁盛之區逆匪垂涎已久否則橫竄安陸擾及襄河均未可定臣已飭常星阿藍斯明姜玉順等由京山安陸前進成大吉先率六成隊由平壩馳向茅茨畷進剿以李成謀爲遊擊之師力顧京山鍾祥各處如賊竄郢東驛卽力

顧安陸府及襄河東岸梁洪勝穩紮應城相機  
勦辦如賊北竄兼程馳赴老河口扼紮並先飛  
催沈俊德一軍由隨棗會擊檄駐防郢西之已  
革道員梁作楫派撥二營馳赴老河口會同襄  
河水師張啟基龍藻琦等加意梭巡現據探報  
張曜一軍已抵棗陽攔頭截擊勦辦更易得手  
至逆酋陳得才藍城春首級十月二十五日准



僧格林沁檄飭英翰派弁解送臣營卽經委弁  
傳首黃陂孝感德安隨州及前敵一帶至襄陽  
懸竿示衆以快人心奏入

上命議政王軍機大臣傳諭僧格林沁官文張之萬  
曰髮逆上竄雲夢孝感境內經官軍分路截殺燬  
有斬擒賊向京山應城一帶竄去逆蹤屬聚德隨  
等處漸有西趨之勢官文現飭江長貴等力扼襄

樊並飭常星阿等由京山安陸前進成大吉馳向  
茅茨阪進勦李成謀梁洪勝等軍力顧京鍾應城  
要隘所籌尙合機宜卽著嚴飭各軍前截後追務  
將此股敗匪就地殲除毋令旁竄常星阿等前次  
赴援不力致賊乘虛奔竄業經降旨革職留任此  
時如再不知奮勉縱賊西行卽著官文嚴叅按照  
軍法治罪僧格林沁督軍楚豫於各營接仗情形

必所深悉如有臨陣退縮之員無論楚豫官兵並  
著指名嚴叅懲辦以肅戎行隨德一帶與豫境處  
處毗連張曜一軍已抵棗陽正可攔頭截擊著僧  
格林沁張之萬飭令會合楚軍兩面兜剿毋令竄  
擾豫疆老河口爲繁盛之區該逆如繞過襄樊轉  
窺光化則該處適當其衝著官文飛催梁作楫等  
實力扼剿遏其奔突此股敗殘之匪奔竄靡定總

由防剿各軍未能聯絡兜擊有追兵而無遏截之  
兵所致官文張之萬務當督飭在事將弁繞出賊  
前痛加剿洗楚省兵力甚厚儘奔竄賊股不能在  
楚境就地殲除必將官文從重治罪決不寬貸

十五日

壬子

沈葆楨奏臣前聞漳龍之警當卽

咨商劉典鮑超相機進援並飭韓進春劉勝祥  
由會昌察看賊勢就近進規武平現據探稱武

平業經閩粵各軍克復疊獲奸細供稱凍逆不願入粵有回江西過年之語劉典所部八千人已陸續行抵甯化日內即可進駐汀州鮑超同籍臣咨催接統之提督宋國永婁雲慶迅速入閩臬司王德榜經左宗棠委署福建臬司臣飭其將在江所部之長左副左等營一併帶往以厚兵力贛南道王文瑞業赴本任其統領浙江

老湘營之總兵王開琳尙駐贛州王文瑞之姪也臣飭兼統王文瑞所部合力援閩各軍入閩後江省兵力較單臣咨商周寬世由信豐進紮長甯飭張岳齡由龍泉進駐會昌以固南贛門戶韓進春移紮瑞金劉勝祥移紮廣昌與石城之席寶田互相聯絡以固撫建門戶並飭各營察看賊勢隨時相機辦理奏入

上命議政王弼機大臣傳諭沈葆楨曰賊匪竄陷漳龍等處沈葆楨飭劉典等進援並令韓進春劉勝祥由會昌察看賊勢就近進規武平現據探稱武平業經閩粵各軍克復濂逆不願入粵有回江西過年之謠該撫現令王開琳帶王文瑞所部入閩又以江省兵單咨商周寬世由信豐進紮長甯飭張岳齡由龍泉進駐會昌以固南贛門戶韓進春

移紮瑞金劉勝祥移紮廣昌與石城之席寶田互  
相聯絡以固撫建門戶所籌均尙妥協著卽飭令  
在防將士及地方官弁認真防守勿令一賊回窺  
江境劉典所部八千人進駐汀州宋國永等亦俱  
陸續可到並著督飭該員等會合閩浙諸軍相機  
進剿克復地方務將該逆就地殲除勿任再行旁

窺



同日林文察奏言據報逆匪由廣東竄入閩疆  
擾及武平汀屬一帶軍情較緊臣正在拔隊赴  
汀聞憂接撫臣飛咨江西逆寇由廣東大埔直  
撲閩省永定旋犯漳郡卽回泉郡督辦防剿等  
因臣於二十二日自延統師疾馳回省與英桂  
徐宗幹面商機宜路經興泉兩郡沿途布置巡  
防調募兵勇於十月十二日探悉漳郡尙被逆

踞日出近城各鄉焚掠先經遊擊許忠標暨各鄉民團圍擊互有勝負計自西陷武平永定南竄平和雲霄北擾南靖龍巖均因賊勢兇狂相繼不守幾至全省震動臣卽派遊擊許忠標帶勇扼截南路與水師提臣曾玉明派駐石碼之遊擊陳詔舞所部相爲犄角又派遊擊林崇春賴榮各帶兵勇堵守東路已革副將惠壽會同

遊擊李世進帶勇駐紮赤嶺萬松關以爲東路  
策應守備黃益然一軍協守安溪並調廈勇馳  
赴漳平擇要堵禦以杜北竄守備林向日管駕  
師船進泊湘橋以爲南路策應西路見有天寶  
等杜民團合力防剿並知會該地方官於附近  
水陸要路山嶺開道實力防堵仍派將弁查探  
路徑率師前進以期迅拔堅城奏八報

問

十七日

甲寅

毛鴻賓郭嵩燾奏言據臬司李福泰

潮州鎮總兵翟國彥稟稱賊匪自平遠敗竄後  
於九月十二日分股攻撲大埔該縣知縣朱家  
綬激勵兵民登陴固守是夜忽見縣署大堂火  
起該令彈壓兵民毋許妄動立時將火撲滅當  
獲放火奸民訊明正法次日賊衆愈聚愈多相

持竟日賊由西門關入朱家綬由北門馳回抵  
禦與賊巷戰適翟國彥在三河壩聞警馳援直  
抵城下時賊匪之進城者人尙無多因見官軍  
驟至立即紛紛退出我軍奮力向前賊衆回頭  
死拒鏖戰多時斃賊無數遂由饒平一路竄去  
翟國彥先派守備李暄茅繞由饒平援埔遏賊  
之前與賊相遇於埔饒交界之湖寮兩路夾擊

賊勢不支遂改竄福建平和而去遂首丁汰洋  
等擁衆數萬分踞武平縣新城等處四出擄掠  
游騎時入粵境副將方耀知府吳贊誠由平遠  
節節進剿屢有斬獲紮營距武平七八里之牧  
牛嶺地方賊匪大股來撲我軍奮力擊退十三  
日方耀分兵設伏以數百人至城外河邊賊巢  
誘之賊果率衆來追將至嶺腳方耀揮軍奮擊

伏兵三路包抄賊衆披靡殺斃馬賊多名槍斃  
千餘人生擒數十名餘匪由城外鄭家坪逃竄  
是晚方耀傳令齊隊自率輕銳徑攻賊營拋擲  
火器燒其更樓營壘賊衆棄巢驚竄追過城河  
復以火箭射入城中之賊不戰自潰立將武平  
新城克復我軍乘勝追殺至藍塘地方擊斬尤  
衆適李福泰派出之都司鄧安邦亦至十四日

會師進攻武平縣城方耀吳贊誠等督率兵勇  
環攻互有殺傷該地方文武亦率團助戰賊見  
我軍勢盛遂開東門而遁當將縣城收復並搜  
獲武平縣印信一顆查該逆竄踞武平意在牽  
掣粵師阻我進兵之路今兩城旣克逆衆悉數  
竄入漳州去嘉應稍遠距潮州爲最近平和之  
匪十月初五日糾衆撲犯饒平縣屬之相嵩關



經該處兵團擊退探聞賊衆沿海擄船有由海道竄擾澄海之意臣以翟國彥所統兵勇分布埔饒一帶尙形單薄急飭李福泰抽調嘉應惠州之兵馳赴大埔聽候翟國彥調撥並飭方耀視賊所向一面會合閩軍跟蹤兜剿至大埔縣城被賊滋擾經該縣知縣朱家綬與賊巷戰翟國彥援兵大至賊卽退出縣城尙未失陷惟據

翟國彥來稟並未聲叙朱家綬巷戰情節稍有  
未符應請

旨將大埔縣知縣朱家綬暫行革職留任由臣查明  
後再行奏明辦理奏入

上諭曰朱家綬著暫行革職留任仍著查明該州城  
是否失陷該令有無與賊巷戰各情分別奏明辦  
理大埔既轉危爲安粵軍現已越境克復武平等

城賊勢趨重漳州著卽飭方耀等軍跟蹤追勦會  
合江西閩浙諸軍將竄閩之賊就地殲滅漳州距  
潮州較近饒平縣亦有賊蹤竄擾並有沿海擄船  
竄擾澄海之信著卽移撥重兵嚴行遏截如任令  
入海剽掠貽患無窮惟毛鴻賓等是問

二十一日戊午徐宗幹奏言竄匪關入漳龍等處

先後調兵分路防勦據林文察等報稱十月十

二日該署提督帶領親軍正在東南響水橋察探賊營路徑賊衆復由東門衝出當卽揮軍迎敵陣斬髮逆多人十四日該逆數千人赴鄉擄掠當又出隊迎剿適清浦等社民團追賊踵至分路圍剿守備歐陽和陣斬騎馬賊酋一人殺賊一百餘名又東北樓門石寨踞賊千餘飭令都司林崇春等於十八日密約各軍會合民團

攻擊是日進紮福河之水軍奮力齊進開礮猛  
轟賊始敗潰我軍追殺斃賊無數二十三四等  
日龍巖踞賊出攻天嶺守備李榮塔舉人陳福  
源等督勇兜剿殺賊一百數十名生擒四名賊  
退竄郎車社地方十月十三日知縣朱德沛守  
備張金鑑添調勇團由焦坑兩路分擊殲賊二  
百餘名賊由洋仔坑鄉敗竄其竄踞汀境濯田

之賊經道員張恆祥等督帶湘汀各勇分路進  
攻疊獲勝仗斃匪一百數十名餘賊逃散查各  
路兵民雖屢有斬擒賊鋒究未大挫幸督臣調  
派署浙江提督高連陞所統湘軍四千五百餘  
名航海來閩已於二十六七等日陸續抵省臣  
與面商機宜卽於十一月初一日拔隊取道興  
泉由同安一路進攻漳州提督黃少春統帶楚

勇四千五百餘名於十月二十五日由延平分  
起進省原擬此軍由延平尤溪取道前往甯洋  
漳平扼勦龍巖踞逆嗣因漳城聚賊日衆甯平  
一路有督臣調派劉典一軍由汀州前進臣已  
咨黃少春改由興化至泉州與高連陞會合該  
提督卽由泉屬之安溪至漳屬之長泰一帶前  
進俟高連陞入漳約期兜勦黃少春於十一月

初二日到省臣與商定卽整飭隊伍次第啟行  
劉典所部浙軍八千名據報於十月十二日在  
江西撫州行營派道員李耀南帶隊先行計日  
全軍定可至汀已知照由清流就近取道永安  
甯洋進紮龍巖所屬之雁石地方相機攻取署  
臬司王德榜一軍二千五百餘名由江西贛州  
起程尙未據報入閩康國器趙均兩軍現紮永



安連城以杜汀境竄匪歸併龍巖並防下竄統  
俟劉典王德榜各軍至後卽行會合進剿奏入

上命議政王軍機大臣傳諭左宗棠徐宗幹曰閩軍  
剿辦漳龍等處賊匪疊獲勝仗尙未大挫兇鋒高  
連陞一軍航海來閩經該撫飭令取道興泉由同  
安一路進攻漳州並飭黃少春改由興化進兵與  
高連陞會合後卽由安溪至漳屬之長泰一帶前

進約期堯勦所籌尙屬周妥卽著左宗棠徐宗幹  
督飭高連陞等會合閩軍協力進擊迅復各城毋  
稍延緩劉典王德榜兩軍計日已可到閩並著左  
宗棠等檄令該臬司等星速赴援以資得力康國  
器趙均所部官軍現紮永安連城務令嚴杜汀境  
竄匪歸併龍巖並防該逆乘機下竄毋稍鬆勁前  
據左宗棠奏已由衢州起程赴閩計日已達閩境

務當相度機宜將各城踞匪一鼓殲除以期肅清  
邊圉

二十二日己未官文奏言十月二十五日常星阿

藍斯明姜玉順等向京山之宋河進發偵知髮  
捻逆匪已由京山折向三陽店張劉店一帶橫  
竄卽各率所部於二十六日向三陽店一路堵  
擊該逆遂與續竄隨州環潭之賊會合二十七

日分股竄至德安府北之平林市經駐防德安之總兵趙克彰乘夜帶隊疾趨以一營由河東潛渡斷其歸路以一營列後防其包抄自率兩營直搗中堅時天色微明賊憑河列隊我軍槍礮齊施轟斃執旗馬賊二名步賊十餘名解散難民數百該逆向雷公店敗竄其隨州茅茨畝雙河一帶賊衆亦懾於追兵分路向棗陽之資

山平林店熊家集並襄陽之黃龍壩等處奔竄  
是日邊馬數騎擾及東津灣二十八日提臣江  
長貴親督馬步兵丁並派參將文斌等各率所  
部分路迎擊該逆不敢接仗由姚山廟蔡陽鋪  
竄去我軍扼守襄樊十一月初一日該逆擾至  
古河口下封等地方經龍藻琦陸成祖礮船轟  
斃多名救出難民數百名該逆兩次竄擾東津

灣並結木筏搶渡又經敵船擊退將木筏焚燬  
初二日馬步悍賊復至百家巷一帶燒擄龍藻  
琦率哨官許瑞良等分路夾擊斃賊尤多該逆  
始向黃龍壩峪山一帶逃遁時常星阿姜玉順  
等馬步各營先於十月二十八日行抵隨州之  
川洞地方以清潭等處巨股向襄棗一帶竄去  
常星阿等率馬步隊聯絡追勦探知賊踞雙河

附近常星阿先率馬隊趕至斃賊三十餘名餘  
匪敗走常星阿姜玉順等率隊追至吳家寨見  
大股尾賊在白水寺玉皇廟趙家湖一帶焚掠  
姜玉順梁洪勝藍斯明等率所部同楊朝林之  
精捷等營分路前進望賊多處爭先攻擊賊見  
我軍驟至濫擁來拒經梁洪勝率部截殺姜玉  
順藍斯明楊朝林奮力合攻當斃騎馬悍賊十

餘名步賊數十名賊勢不支我軍左右抄殺復斃賊一百餘名生擒二十五名正法踏毀賊館數處該逆向西奔竄姜玉順等連夜跟追該逆復以悍黨殿後死拒各將士合力猛殺賊不能敵盡向襄棗交界之耿家集黃龍壩蘆家灣等處狂奔我軍追殺三十餘里又斃賊二百餘名擒斬三十餘名並將熊家集杜家岡譚家岡虎



尾山興隆山一帶賊館悉數踏平解散難民不  
少其前由霍山竄入黃安敗匪於十月二十六  
日假冒官兵上竄孝感之小河溪應山之羅家  
店二十八日由羅家店竄及平林市土壩埠等  
處臣豫派李成謀馳由羅楊店繞出長嶺岡扼  
紮二十九日帶隊往土壩埠進剿該處河水深  
不及尺該逆紛紛渡河李成謀率隊過河追擊

斃賊三十餘名該逆向羅楊店一帶奔赴隨州  
合股查上竄髮捻疊經官軍分路追剿獲勝由  
隨棗一路狂奔意在乘虛衝突其另股敗逆亦  
已歸併一處正可合力兜剿就地殲除僧格林  
沁督軍由棗陽前進會合楚軍夾擊郭寶昌亦  
於十一月初三日由黃陂馳赴德安一帶臣已  
催令迅速追剿惟屢據獲賊供稱該逆不由隨

棗直趨河南卽由老河口鄖陽口一路圖竄荆  
子關是楚省各軍亟須分途遏截已令李成謀  
扼紮隨棗富森保扼紮樊棗之間成大吉扼紮  
楚豫交界之呂堰驛並令梁洪勝移紮老河口  
楊朝林馳赴鄖陽並顧鄖西竹谿以保楚省西  
北藩籬儻賊匪旁趨卽令常星阿蘇倫保溫德  
勒克西姜玉順藍斯明等隨同僧格林沁所派

各軍出境分路追勦以圖聚殲現據探報髮捻  
餘氛已在楚豫之交湖北全境將次肅清腹地  
無虞楚中前敵各軍已經臣全數派赴襄樊以  
便僧格林沁就近調遣臣以游勇難民及遣散  
降衆半聚漢鎮現由黃孝一帶回駐漢陽橋口  
安撫彈壓奏入

上命議政王軍機大臣傳諭僧格林沁官文會國藩

張之萬劉蓉曰德安股匪由府北之平林市竄向雷公店隨州之賊分竄襄棗之黃龍壩資山等處經官軍擊敗奪路狂奔前山霍山竄入黃安敗匪復上竄孝感應山等處奔赴隨州雖係亡命之餘乘虛銜走而狼奔豕突其勢甚熾且賊尙在楚何得遽謂全境將次肅清腹地無虞官文旣稱逆匪歸併一處正可合力兜剿就地殲除不准徒託空

言必須嚴申軍令督飭常星阿李成謀等軍一面  
分路追剿一面繞出賊前迎頭截擊務須悉數殲  
誅毋任逃竄山境成大吉已紮楚豫交界之呂堰  
驛梁洪勝已紮老河口楊湖林馳赴鄴陽並顧鄆  
西竹谿一路卽著責成該提督等實力遏截儘任  
賊蹤竄入豫陝境內必當按照軍法治罪僧格林  
沁督軍已抵棗陽際此衝寒督戰朝廷甚爲廑念

前曾諭令該大臣如楚豫官兵臨陣退縮者卽指名嚴叅懲辦現在官文所派各軍已由僧格林沁調遣卽著督飭該將士奮力剿賊與郭寶昌等軍會合兜擊迅殄逆氛儻在事員弁有不遵調度者仍遵前旨指名嚴叅以軍法治罪勿稍姑容張之萬仍遵前旨督飭各軍認真截擊毋令闖入豫境賊匪既有西趨之勢著劉蓉酌派兵勇嚴防興商

等處以備不虞前據曾國藩奏稱已派劉銘傳等  
統淮勇渡江勦皖鄂之賊劉連捷等赴黃州候官  
文調遣何以此次官文摺內於劉連捷等入楚一  
節並未提及著曾國藩嚴飭劉連捷等星馳入鄂  
會合楚軍併力擊賊儻敢意存畛域任意遲延朝  
廷法令具在不能因該軍士在江南勦賊著有微  
勞稍從寬宥也



官文又奏言臣接福建撫臣徐宗幹咨稱粵逆竄入閩境請飭福建汀州鎮總兵沈俊德挑選楚勇星馳赴閩等因閩省逆氛未靖自應派往助剿現已檄飭該總兵卽帶所部迅速起程赴閩以集兵力奏入報

聞

二十三日  
庚申  
富明阿奏言欽奉

諭旨飭將馬隊揀選撥赴都興阿軍營助剿一切勇  
隊妥爲遣撤查揚防現存馬隊及新調吉林官兵  
共有三百七十餘員名其中尙有自咸豐二三  
年出征傷殘老弱之人臣擬將精壯遵撥赴甘  
其餘傷殘疲弱者遣撤回旗第新調吉林官兵  
一百二十九員名甫經到防前在張家口採買  
戰馬二百匹亦於初六日始行趕到該官兵等

來自數千里外尙未休息又復遠道赴甘恐沿途勞乏於攻勦難期得力臣現飭令暫行休養  
一二十日卽令侍衛壽昌統帶吉林官兵侍衛  
訥依楞阿統帶黑龍江官兵由糧臺籌給路費  
找清欠餉於年前一律起行馳赴甘省都興阿  
軍營聽候調遣其揚防陸營兵勇統計尙有一  
萬四千數百人積年欠餉甚多補發無此巨款

如蒙

天恩准將漕價借用糧臺或可從容籌撥臣卽當趕  
緊分起陸續撤防騰出餉需以備接濟他省至  
水師留防礮划一百四十隻兵勇二千四百餘  
人臣已飭先裁六十隻仍嚴催糧臺趕籌欠餉  
以便全行凱撤臣惟當妥慎籌辦嚴飭各管帶  
官約束兵勇不准逗留滋事奏入

上命議政王軍機大臣傳諭富明阿吳棠曰揚防現  
存吉林等處馬隊計三百餘名除傷殘老弱應行  
遣撤回旗外其精壯可用及新調吉林官兵著富  
明阿轉飭糧臺籌與路費給清欠餉交派出之侍  
衛壽昌等管帶於年內起程馳赴都興阿軍營聽  
候調遣其揚防陸營兵勇尙存一萬四千餘人積  
年欠餉甚多並著照該將軍所請將本年江北冬

漕折色全行借撥以便陸續酌量裁撤至水師留  
防礮划兵勇俟糧臺籌給口糧解到後應如何妥  
爲遣撤之處並著富明阿吳棠玘籌會辦

二十六日癸亥僧格林沁奏臣親督翼長恆齡

等馬隊於十一月初四日馳抵棗陽探得髮逆  
邱元才等股匪經副都統常星阿等馬步各軍  
躡蹤尾追該逆竄至襄陽縣東北黃龍壩峪山

一帶盤踞 臣擬於初八日督隊進剿詎該逆已於初七日夜間由峪山向滾河一帶竄去 臣令常星阿藍斯明等馬步隊伍追剿至蔣家溝地方該逆馬步分列以待我軍常星阿等馬隊先行衝擊該逆抵死不退是時姜玉順等步隊及恆齡等馬隊均布陣於山坡之上恆齡等見常星阿軍力不支立即帶隊助剿該逆馬步從旁

撲犯我軍轉戰陷於溝坎泥淖之中不得馳騁  
而姜玉順梁洪勝等步隊雖經接應未能盡力  
支撐致被該逆乘勢包抄因而小挫收隊後駐  
紮官莊初十日探得捻逆張總愚陳大濬等匪  
乘夜由王家河以北竄渡黃河向西逃竄與前  
股髮逆勾合經我軍乘賊渡河奮勇衝擊斃賊  
百餘名落河淹斃者無算餘皆乘夜竄散該逆



既已合夥西趨誠恐圖竄樊城擾及完善遂飭  
姜玉順等各率步隊移紮樊城扼要堵剿十一  
日臣督帶馬隊跟蹤前進至呂堰驛地方探得  
該逆等合夥向西南鄧州屬白洛堰一帶奔竄  
我軍探蹤追擊適翼長成保等馬隊總兵郭寶  
昌張曜兩軍步隊均已趕到臣卽於十四日督  
飭各軍分中左右三路整隊前進追至鄧州之

唐陂地方賊匪傾巢出拒經恆齡等馬隊更番  
衝擊賊勢少卻該逆復出大股向我右哨步隊  
拌死來撲我軍極力支持該逆愈聚愈衆致爲  
賊匪抄襲官軍挫失兵勇俱有陣亡該逆因我  
軍失利膽敢乘隙上竄在鄧州東北白牛里一  
帶盤旋亟應撥兵截勦臣已飛咨督臣官文撫  
臣張之萬喬松年劉蓉等檄飭防軍扼要堵擊

臣任闌入邊境並札調姜玉順梁洪勝兩軍來  
營協剿令藩司英翰道員蔣凝學各率所部移  
紮商城提督成大吉進紮新野以厚兵力杭州  
將軍國瑞已於初七日率馬步官兵由光山移  
紮信陽州以爲後路聲援臣已函會該將軍妥  
籌防剿臣暫駐鄧州稍加整頓擬卽督軍合力  
追剿此次接仗失利雖因帶隊各員未能戮力

同心致有敗挫究係臣調度無方實難亂咎應  
請

旨將臣嚴加議處臣惟有激勵大小將士設法進取  
誓滅窮寇奏入

上命議政王軍機大臣傳諭僧格林沁官文曾國藩  
國瑞張之萬劉蓉曰髮捻各股由棗陽黃龍壩峪  
山等處向西北滾河一帶竄去經僧格林沁督軍

追擊乃帶兵各官未能戮力同心屢致敗挫卽著  
僧格林沁查明據實嚴叅懲辦該逆現竄鄧州東  
北白牛里一帶僧格林沁移紮鄧州卽著整飭隊  
伍督令帶兵將弁合力追勦以贖前愆僧格林沁  
自請嚴議之處著加恩寬免賊蹤已入豫境著張  
之萬嚴飭張曜等實力嚴防毋令紛竄腹地擾及  
完善鄧州距陝較近劉蓉檄飭在防各軍嚴密防

勦毋令闖入邊境陝省興高等處兵力甚單必須  
由楚省調撥勁軍繞前截擊方能遏其入陝之路  
著官文迅撥得力兵勇馳赴豫陝交界地方會合  
陝軍奮力兜截毋稍延緩前諭曾國藩迅飭劉連  
捷等軍星馳入鄂歸官文調遣著仍遵前旨飭令  
迅速前進儘敢逗留卽著曾國藩查明嚴叅並著  
官文檄調劉連捷等軍到鄂以便騰出兵力赴陝

助剿國瑞現由光山移紮信陽卽著該將軍妥籌  
布置相機策應

二十七日甲子官文奏言查陳德才盩城春先後

授首吳青汰范立川倪澂漢馬融和倪澂淮次  
第乞降僅餘張總愚賴汶洸陳大禧等屢敗之  
衆不過數萬尙稽顯戮楚師水陸各軍追剿截  
殺僧格林沁復親督大軍會擊逆勢愈衰當可

無虞且僧格林沁威望夙著爲楚軍所畏服旣  
經臣咨由僧格林沁就近調度必能就地殄除  
襄陽有提臣江長貴久經戰陣人尙可靠似無  
須臣親往督勦日來在礮石行營撤遣降衆彈  
壓游勇均各就緒商民安堵如常惟西征軍實  
及金陵遣勇欠餉尙無端倪督署公件不能隨  
營辦理者已積壓四月之久均難再緩擬於十



集之項臣之臣矣三十一  
三三  
九日回省會同撫臣督飭司道趕緊辦理仍嚴飭水陸各軍乘此聲威認真勦洗此後軍情由僧格林沁就近奏報以期迅速

同日曾國藩奏言據周盛波呈報於十一月初六初八等日率所部九營由溧陽先後起程劉銘傳亦定於十二月率所部十二營由廣德建平陸續起程臣將地方事宜略爲部署先於初

三日交卸兩江總督篆務料簡西行續奉

諭旨飭臣無須交卸督篆仍駐金陵妥籌調度查鄂中髮逆雖經全數殄滅而捻逆回竄德安一帶則由鄂而豫而皖均係往來熟徑劉連捷等軍宜以黃州上巴河爲老營凡黃州八屬有警卽令分隊馳勦並派吳坤修前往料理營務劉銘傳等軍宜以三河尖固始爲老營凡皖豫交界

有警卽令相機防剿仍派李鶴章同往料理營務有此兩支勁旅庶可騰出湖北本省兵力專顧德安襄陽等處以爲通力合作之計頃准李鴻章將總督關防派弁齎送出關臣卽於十一月十七日接篆照常任事俟此閒科場完竣諸務就緒擬仍乘坐輪船駛赴安慶黃州一次而囑諸將妥籌防剿迅掃上游餘孽均奏入

上命議政王軍機大臣傳諭僧格林沁官文曾國藩  
喬松年張之萬劉蓉曰昨據僧格林沁奏督軍追  
剿髮捻各股先後接仗失利暫駐鄧州相機追擊  
當諭令僧格林沁整軍追剿官文迅撥兵勇馳赴  
豫陝之交奮力兜擊曾國藩迅飭劉連捷等軍入  
鄂茲據曾國藩奏劉連捷等軍宜以黃州上巴河  
爲老營凡黃州八屬有警卽令分隊馳剿劉銘傳

等軍宜以三河尖固始爲老營凡皖豫交界有警  
卽令相機防勦有此二支勁旅庶可騰出湖北本  
省兵力專顧德安襄陽等處自是老謀深算惟遠  
防不如近勦現在賊蹤駸駸西竄若駐紮三河固  
始未免距賊較遠兵情旦夕變遷著曾國藩飭令  
劉連捷劉銘傳等入鄂入皖之軍探蹤前進均歸  
僧格林沁調遣以期力殄狂氛曾國藩擬俟科場

完竣諸務就緒乘坐輪船赴安慶黃州一次不若  
就日前李鴻章尙在江甯該督卽日出省規畫指  
揮嚴飭諸將認真防剿較可得力俟各路布置安  
妥仍卽馳回江甯辦理善後一切要務官文以西  
征軍實及金陵遺勇欠餉尙無端倪並公事積壓  
日久請回省督辦自係實情著卽回省督飭司道  
認真籌辦一面嚴催水陸各軍務將此股賊匪卽

在楚境就地殲除勿任旁竄他省僧格林沁暫駐  
鄧州惟當恪遵昨日諭旨穩慎進兵力圖勦洗凡  
遇山險泥淖以步隊當先平原曠野以馬隊當先  
並須豫撥勁兵嚴扼該逆西竄之路前截後追毋  
任入陝劉連捷劉銘傳等軍並著該親王酌量調  
度以資厚集其何路兵將赴調遲延卽著僧格林  
沁嚴行叅奏皖境現雖無賊喬松年仍當飭屬妥

防不可稍有疏失張之萬當懷遵昨日寄諭嚴飭  
張曜等實力防勦興商之防甚單劉蓉設法添派  
兵勇換籌堵截免致臨渴掘井貽誤事機